



**Q.S.I.P "Sinniisoq"**  
**Qaqortumi Sulinermik Inuussutissarsiuqartut**  
**Peqatigiiffiat**

## **Malittarisassat**

Naleqqussaqqinneqarput april 2024

## § 1

### Peqatigiiffiup taaguutaa sumiiffialu

Q.S.I.P "Sinniisoq"  
Qaqortumi Sulinermik Inuussutissarsiuteqartut Peqatigiiffiat

Q.S.I.P "Sinniisoq"  
Postbox 29  
Augu lyngesvej B 1050  
Telefon 64 24 42 - mobil nr 49 32 06  
e-mail [gagortoq@sik.gl](mailto:gagortoq@sik.gl)

## § 2

### Q.S.I.P "Sinniisoq"-p suliniutai

Q.S.I.P "Sinniisoq" ( Qaqortumi Sulinermik Inuussutissarsiuteqartut Peqatigiiffiat ) SIK'p immikkoortortarivaa, taamaalilluni SIK'p isumaqatigiissutai suliniutaalu sulissutigissallugit Peqatigiiffik pisussaaffeqarpoq.

**Imm. 1** Q.S.I.P "Sinniisoq" senerissami SIK'p immikkoortortaarfii, SIK-llu allattoqarfia qanimut suleqatigissavai, ilaasortanullu sulississusaalluni.

**Imm. 2** Peqatigiiffiup sullitassarai ilaasortat, ilinniartut, sulisartut, lærlinngillu, suliffimmi akissaasersugaanerit, suliffiullu peqqinnartuunissaata qulakkeernissaanut aqqutissiuusseqataassalluni.

**Imm. 3** Peqatigiiffiup sulissutigissavai isumaqatigiissutit, inatsisillu, sullivimmilu avatangiisit pillugit peqqussutit suliffeqarfinni atuutsinneqarnissaat.

**Imm. 4** Peqatigiiffimmut ilaasortat suliffeerunninerini, napparsimanerisalu nalaanni pisariaqartitaannik sullittassallugit.

**Imm. 5** Peqatigiiffik katersuuffiussaaq sulisartut ataatsimoornissaannut kaammattoqatigiinnissaannullu.

**Imm. 6** Peqatigiiffimmut ilaasortat pisinnaatitaaffii pillugit paasisitsiniaasassalluni.

**Imm. 7** Suliffinni isumaqatigiinnginnermi, soorlu inunnut aalajangersimasunut tunngatillugu suliasani ilaasortat akuuffigisaanni, ilaasortat soqutigisaannik SIK'p allattoqarfia suleqatigalugu illersuisassalluni.

**Imm. 8** illoqarfimmi – nunaqarfiinilu suliffinni sulisut sinniisaannik qinersisarnissaq qulakkiissallugu, aammalu sulisut sinniisaasa qinerneqartut aqqinik SIK'p allattoqarfianut ilisimatitsissuteqartassalluni.

**Imm. 9** Sulisut Sinniisaasa suliaat pillugit sulisitsisunik isumaqatigiissutit malinneqarnissaat qulakkiissallugu.

### **§ 3**

#### **Ilaasortat**

Peqatigiiffimmut ilaasortaasinnaapput kikkulluunniit SIK'p malittarisassaani § 3-mi piunasaqaatinik naammassinnittut.

**Imm. 1** ilaasortanngorneq pisassaaq immersugassamik immersuinikkut atsiornikkullu uppersarlugu.

**Imm. 2** ilaasortaajunnaarnek, allamilluunniit allanngortoqarpat ilaasortaq pisussaavoq ilisimatitissalluni Peqatigiiffimmut.

**Imm. 3** Peqatigiiffimmut ilaasortaannermut akiliutissaq ataatsimeersuarnermi aalajangersaaffigineqartassooq, kattuffimmut SIK-mut akiliutaasartoq ilanngullugu akilerneqartassaaq.

### **§ 4**

#### **Ileqqusumik ataatsimeersuarnek**

Peqatigiiffiup ataatsimeersuarnera tassaavoq Peqatigiiffimmut oqartussaanerpaq.

**Imm. 1** ileqqusumik ataatsimeersuarnek ukiut sisamakkaarlugit ingerlanneqartassaaq, ataatsimeersuarnek ingerlanneqariissaaq ukiup qaammataani siullermi affaani, ataatsimeersuarnissalu nalunaarutigineqassaaq ataatsimeersuarnissamut ullut 14-nit sioqqullugu allagarsiinikkut, kiisalu Sulisut Sinniisai aqqutigalugit suliffeqarfinnut ingerlatinneqartassalluni.

**Imm. 2** ataatsimeersuarnermi oqaaseqarsinnaallutillu taaseqataasinnaatitaapput ilaasortaannermut akiliummik naammassinnissimasut, ataatsimeersuarnermi najuutinngitsut allakkatigut qinersisinnaanngillat.

**Imm. 3** ataatsimeersuarnermut oqaluuserisassanngortitat allannguutissatullu siunnersuutit ataatsimeersuarnissaq ullunik 7-nik sioqqullugu siulersuisunut apuuttareersimassapput.

**Imm. 4** ataatsimeersuarnermi aqutsisussaq siulersuisuniit siunnersuutigineqartassaaq, taamaattorli immikkut pisoqartillugu ataatsimeersuaqataasut akornanniit toqqaasoqarsinnaavoq.

**Imm. 5** ileqqusumik ataatsimeersuarnermi ingerlariaasissaq.

1. Peqatigiiffiup siulittaasuata ataatsimeersuarnek amassavaa.
2. Aqutsisussamik, imaqarniliortussamillu toqqaaneq.
3. Siulersuisut nalunaarutaat.
4. Naatsorsuutit kukkunerisikkat saqqummunneri.

5. Siunnersuutit oqaluuserisassanngortitat oqallisigineri.
6. Ilaasortaanermut akiliutit aalajangersaaffigineri.
7. Missingersuutit saqqummiunneri, akuersissutiginerilu.
8. Siulersuisusanillu qinersineq.
  - a) Siulittaasoq.
  - b) Siulittaasup tullia.
  - c) Allatsimik qinersineq.
  - d) Siulersuisunut ilaasortat marluk.
  - e) Siulersuisunut sinniisusat marluk.
9. Taasariaqartut allat.
10. Siulittaasup ataatsimeersuarneq matussavaa.

## § 5

### Ataatsimeersuarnermi aalajangersaanerit.

Peqatigiiffiup ataatsimeersuarnerani oqaluuserisat isumaqatigiinngissutit qinersinikkut aalajangiiffigineqartassapput, amerlanerussuteqartut aalajangigaat atuuttussanngortinneqassooq.

**Imm. 1** Siulersuisunut qinersisoqartillugu naligiittoqarnerani makitsinikkut aalajangiisoqartassooq.

**Imm. 2** Ataatsimeersuarnermi peqataasup ataatsip piumasarippagu allakkatigut taasineq ingerlanneqartassooq.

**Imm. 3** Ataatsimeersuarnermi Peqatigiiffiup SIK-llu malittarisassaanut akerliusumik aalajangersaasoqarsinnaanngilaq.

**Imm. 4** Peqatigiiffiup malittarisassai taamaallaat Peqatigiiffiup ataatsimeersuarnerani amerlanerussuteqartut akuersinerisigut allanngortinneqartarssapput, allannguutissatullu siunnersuutigineqartut allallugit saqqummiunneqarlutillu akuersissutigineqartassapput, allannguutit akuersissutigineqarnerminniit atuuttunngortinneqartassapput.

**Imm. 5** Ataatsimeersuarnermi imaqarniliaq SIK'p allattoqarfianut nassiunneqassaaq kingusinnerpaamik ataatsimeersuarnermiit sap.ak. 3 qaangiutsinnagit.

## § 6

### Immikkut ittumik ataatsimeersuarneq

Immikkut ittumik ataatsimeersuortoqartassaaq siulersuisuni amerlanerussuteqartut tamanna pisariaqartippassuk, imaluunniit Sulisut Sinniisaasa pingajorarterutaasa, ilaasortalluunniit pingajorarterutaasa atsiormikkut tamanna piumasarippassuk, piumasarineqartoq ullormut oqaluuserisassamik siunnersuummik ilaqartinneqassaaq.

**Imm. 1** Immikkut ittumik ataatsimeersuarneq ingerlanneqassaaq tamatumingga piumasaqarnerup siulersuisunit tiguneqarneranit kingusinnerpaamik sap.ak. 3 qaangiutsinnagit.

**Imm. 2** Immikkut ittumik ataatsimiigiaqqusisoqassaaq sivikinnerpaamik ullut 14-nit sioqqullugit allagarsiinikkut, Sulisullu Sinniisai aqutigalugit suliffeqarfinni allagarsiinikkut nalunaaruteqarnikkut.

**Imm. 3** Immikkut ittumik ataatsimeersuarnermi siulersuisunut qinersisoqarpat qinersineq ileqquusumik ataatsimeersuarnissap tulluuttup tungaanut stuutissaaq.

**Imm. 4** Immikkut ittumik ataatsimeersuarnermi § 4 imm. 5 kiisalu § 5 imm.4 malinneqassapput.

## **§ 7**

### **Ataatsimeersuarneq ukiut tamaasa pisartoq**

Peqatigiiffik ileqquusumik ataatsimeersuartarpoq ukiut 4-kaarlugit, taakkulu akornanni § 7 malillugu ataatsimeersuarneq ingerlanneqartassaaq.

**Imm. 1** Ataatsimeersuarneq § 7 ingerlanneqarnerani § 4 imm. 4 ilanngullugu malinneqassaaq.

**Imm. 2** Siulersuisuni ikinnerpaamik marlunnik tunuarsimasoqartillugu ilassutissanik qinersisoqartassaaq, ileqquusumik ataatsimeersuarnissap tungaanut atasussanik.

**Imm. 3** Ataatsimeersuarnermi suleriuseq § 5 malillugu ingerlanneqassaaq.

**Imm. 4** Ataatsimeersuarneq ukiut tamaasa pisartoq ima ingerlanneqartassaaq.

- 1) Siulittaasup ataatsimeersuarneq ammassavaa.
- 2) Aqutsisussamik, imaqarniliuisussamillu toqqaanerit.
- 3) Siulersuisut nalunaarutaat.
- 4) Naatsorsuutit kukkunersiukkat saqqummiunneri.
- 5) Siunnersuutit oqallisigineri.
- 6) Ilaasortaanermut akiliutip aalajangersaaffiginera.
- 7) Missingersersuutit akuersissutigitinneri.
- 8) Taasariaqartut allat.
- 9) Siulittaasup ataatsimeersuarneq matussavaa.

## **§ 8**

### **Peqatigiiffiup siulersorneqarnera**

Siulersuisut Peqatigiiffiup ulluinnarni aqunneqarneranut akisussaasuupput, pisussaallutillu Peqatigiiffiup, SIK-lu malittarisassai malillugit ingerlatsissallutik, aammalu § 2 malillugu sullississallutik, taamattaaq siulersuisut malissavaat SIK'p ataatsimeersuarnerani, nakkutilliisoqarfeqarnerani, siulersuisuunernilu aalajangernerit, kiisalu Peqatigiiffiup ataatsimeersuarnerani aalajangigaat sulissutigissallugit.

**Imm. 1** Siulersuisut namminneq ulluinnarni suleriaasissartik aalajangersaavigissavaat, siulersuisut akornanni suliassat aalajangersimasut agguataarnissaannik ilaqartussaq, kiisalu siulersuisut ataatsimiittarnissaannut sulisullu sinniisaannik ilaasortanillu ataatsimeeqatiginnittarnissamik pilersaaruteqassallutik.

**Imm. 2** Siulersuisut aalajangiisinnaassuseqarput siulersuisuni ilaasortat ikinnerpaamik affaat peqataagaangata, taasinerit naligiippata siulittaasup taasineri aalajangiisuussaaq, siulittaasup peqannginnerani siulittaasup tulliata taasineri aalajangiisuussaaq.

**Imm. 3** Siulittaasoo Peqatigiiffiup ingerlanneqarneranut akisussaasuni qullersaavoq, siulersuisulli aalajangernerisigut tamanna siulersuisuni ilaasortanut allanut akisussaaffittut tunniunneqarsinnaalluni.

**Imm. 4** Peqatigiiffiup ulluinnarni allaffissornikkut ingerlanneqarnera pillugu siulersuisut pisariaqartumik aalajangiisassapput, tamatumani aamma allaffimmi sulisunik atorfinitsitsinerit soraarsitsinerillu pillugit aalajangiinerit.

**Imm. 5** Siulersuisut ilaasortat, siulittaasullu ajunngitsorsiasaat ataatsimeersuarnermi missingersersuutit akuerisaasut iluanni aaqquissuunneqartassapput.

**Imm. 6** Siulersuisut allaffimmi atorfeqartitaqarunik akissaasersorneqarnera missingersersuutit ataatsimeersuarnermi akuerisat iluanni akissarsiasai inissittassavaat isumaqatigiissuteqarnermikkut.

**Imm. 7** Siulersuisut ataatsimiinneranni imaqarniliaq siulersuisuniit akuerineqartoq atsiorneqartoq SIK'p allattoqarfianut nassiunneqartassaaq.

**Imm. 8** Siulersuisunut ilaasortaq Naalakkersuisunut ilaasortatut toqqarneqaruni imaluunniit borgmesterisut qinigaaguni siulersuisunut ilaasortaajunnaassaaq.

**Imm. 9** Siulersuisunut ilaasortaq politikkikkut suliaqarnini pissutigalugu allamilluunniit pissuteqarluni siulersuisunut ilaasortatut suliassaminik isumaginnissinnaajunnaartutut naliliiguni, taanna siulersuisunut ilaasortaajunnaarniarluni aalajangersinnaavoq.

**Imm. 10** Siulersuisunut ilaasortaq Peqatigiiffiup aningaasaataanik atornerluisimasooq siulersuisunut ilaasortaajunnaarsinneqarsinnaavoq, aningnaasanik atornerluisimaneq ilaasortaajunnaarsitsinissaq pitinnagu Kattuffiup kukkunerisuisuanut uppersararneqassaaq, suliarlu ingerlatillugu siulersuisunut qinigassanngortissinnaanngilaq, aammattaaq ilaasortaajunnaarsitsisoqarsinnaavoq siulersuisunut ilaasortaq paasissutissanik allagaatinilluunniit Peqatigiiffimmut ajoqutaasunik atornerqarsinnaasunik siulersuisunit akuerineqarani ingerlatiteqqiisimappat.

**Imm. 11** Peqatigiiffiup siulittaasuata siulittaasutut atuukkunnaarpat siulittaasup tullia siulittaasutut atuutilissaaq ileqqusumik ataatsimeersuarnissap tungaanut, siulersuisullu sinnerisa



inissisimanerat aamma tulluarsarneqassalluni, siulersuisunut sinniisussa q siulersuisutut inississalluni.

**Imm. 12** Peqatigiiffiup siulittaasuata atuukkunnaarnerani siulersuisut pisariaqartikkunikku immikkut ittumik ataatsimeersuarnikkut siulittaasussamik qinersititsisinnaapput.

## § 9

### Aningaasaqarneq, naatsorsuutit aamma kukkunerisiuineq

Peatigiiffiup ukiumoortumik naatsorsuutaasa qaammatisiutit ukiuat malissavaat.

**Imm. 1** Siulersuisut Peqatigiiffiup naatsorsuutai akuersissutigisassavaat, taakkulu tamatuma kingorna ilisimatitissutitut ileqquusumik ataatsimeersuarnermi imaluunniit ukiut tamaasa ataatsimeersuarnermi saqqummiunneqassapput, naatsorsuutit kukkunerisiusumit SIK'p ataatsimeersuarnerani qinerneqarsimasumit kukkunerisiorneqartassapput.

**Imm. 2** Peqatigiiffiup naatsorsuuserissunneqarnera SIK'p allattoqarfiani naatsorsuuserisumit ingerlanneqassaaq, taanna aammattaaq Peqatigiiffiup konto-inut netbankikkut isersinnaanermut akuersissummik peqartussaalluni, SIK'p allattoqarfiata qaammatit tamaasa naatsorsuutitut allattukkat anillatsillugit Peqatigiiffimmut nassiuttassavai.

**Imm. 3** Peqatigiiffik sinnerlugu atsiorsinnaatitaavoq siulittaasoq aamma siulersuisut toqqagaat ataaseq, taarsigassarsiaqarnermi aamma illuutigisamik tunisaqarnermi pisinermilu imaluunniit qularnaveeqqusiussinermi Peqatigiiffik sinnerlugu siulersuisunut ilaasortat tamarmik atsioqataasassapput.

**Imm. 4** Peqatigiiffimmut ilaasortat immikkoortorta qarfiup pisussaaffigilersimasannut inuttut ataasiakkaatut pisussaaffilerneqarsinnaanngillat.

## § 10

### Ataqqinaammik ilaasorta qarneq

Peqatigiiffimmut ilaasortat kikkulluunniit Peqatigiiffimmut ataqqinaammik ilaasortanngortussamik piukkussa qarunik siulersuisunut siunnersuuteqarsinnaapput.

**Imm. 1** Ataqqinaammik ilaasortassatut siunnersuutigineqartoq Peqatigiiffeqarnikkut, sulisartoqarnikkullu maligassaasutut isigineqartuussaaq.

**Imm. 2** Ataqqinaammik ilaasortanngortoq Peqatigiiffimmut ilaasortaanermut akiliuteqartassanngilaq.

**Imm. 3** Ataqqinaammik ilaasorta q, Peqatigiiffiup aqqissuineranut sunulluunniit akiliuteqaaqqaarani peqataatinneqartassaaq.

**Imm. 4** Ataqqinaammik ilaasortaq Peqatigiiffiup siulersorneqarnerani ilaasortaassangilaq, suliluaerluni toqqissilluni aqqissuinerlut taamaallaat peqataaginnartassamat.

**Imm. 5** Ataqqinaammik ilaasortaq toqkukut qimaguppat ataqqiniarlugu katinngatilisaarnikkut naasortaliinikkullu inuulluaqquneqassaaq, ilaqtai akuersiseqqaarlugit.

## **§ 11**

### **Peqatigiiffimmik atorunnaarsitsineq**

Peqatigiiffimmik atorunnaarsitsineq taamaallaat ataatsimeersuarnermi pisinnaavoq, tassani atorunnaarsitsinissaq ullormut oqaluuserisassani allassimassalluni, ataatsimeersuarnermilu peqataasut 2/3-liisa siunnersuut akuerippassuk.

**Imm. 1** Atorunnaarsitsinermi Peqatigiiffik akiitsoqarpat taakku akiligassaqarfinnut akilerneqassapput, pigisat sinneruttut, tassunga ilanngullugu protokolit, il.il SIK´p allattoqarfianut tunniunneqassapput.



Peqatigiiffiup malittarisassai allannguutissaalu, kiisalu Peqatigiiffimmut ilaasortaanermut akiliut aammalu kattuffimmut akiliut ilanngullu akuersissutigineqarput.

Peqatigiiffimmut akiliut **110 kr** kattuffimmit akiliut **165 kr**

Ulloq 18 april 2024



  
**Jacob G-Motzfeldt**  
Siulittaasoq

  
**Sofie Rosa Jakobsen**  
Ataatsimeersuarnermi  
aqutsisoq